

**РЎЗНОМА
1930 ЙИЛ
12 МАЙДАН
ЧИҚА
БОШЛАГАН**



ЎЗБЕКИСТОН ЖУМҲУРИЯТИ ИИБ ҲАЙЪАТИ НАШРИ

Қонунчилик ва ҳуқуқ-тартибот учун!

№ 27 (2447)

1992 ЙИЛ 5 МАРТ

ПАЙШАНБА

НАРХИ:

ОБУНАЧИГА 30 ТИИИН, СОТУВДА 40 ТИИИН

ЎЗИМИЗНИНГ ҚОНУНЛАРИМИЗ БЎЛСИН

Неча-неча йиллардан бери қуюқ туман орасидаги каби ғира-шира кўринаётган орзуларимиз рўёбга чиқиб, мустақилликка эришдик. ССЖИ деб аталмиш мажбурий давлат парчаланиб, бошқа жумҳуриятлар қатори Ўзбекистон ҳам алоҳида давлат сифатида тан олинди.

Секин-асталик билан бўлсада, ҳар соҳада мустақил фикрлашга ўрганишимиз. Шуниси қувончлики, бундан кейин ташқаридан бизга ҳеч ким ақл ўргатолмайди.

Шундай экан, бугунги куннинг ҳар дақиқасидан оқилونا фойдаланишимиз, бошимизга қўнган бахт қўшини учуриб юбормаслик чора-тадбирларини кўришимиз зарур. Бунинг учун энг аввало қонунларимизни ўзимизга мослаб, уларни янгилаб олишимиз керак бўлади. Ҳаммамизга маълумки, илгари қабул қилинган барча қонунлар, қонун асосидаги норматив актлар собиқ иттифоқ манфаатидан келиб чиққан. Уларнинг аксариятида ҳаётимизнинг ижтимоий ўзига ҳослиги ҳисобга олинмаган. Бунга мисол тариқасида жумҳуриятимизнинг 1959 йил 21 май куни қабул қилинган жиноят мажмуасини келтириш мумкин. Бу мажмуадан ўша пайтдаги иттифоқнинг меъдаммизга теккан ҳиди анқиб туради. Унга 1987 йилгача кирилган ўзгаришларда ҳам марказнинг таъсири сезилган. Фуқаролик, ер, оила ва никоҳ, маъмурий ҳуқуқбузарлик мажмуалари ҳақида ҳам бундан ёқимли-

роқ фикрларни айтиб бўлмайди.

Бугунги кунга келиб Ўзбекистон мустақил бўлди.

Қачонгача умрини яшаб бўлган иттифоқнинг умри тугаган қонунларига суянамиз? Жумҳуриятимиз Олий Кенгашининг навбатдан ташқари тўққизинчи сессиясида бундан буён Ўзбекистон Жумҳуриятининг тегишли қонун ҳужжатлари қабул қилингунга қадар собиқ ССЖИнинг конституцияси ва қонунларимизга зид келмайдиган ҳуқуқий меъёрлари амал қилаверади, деган қарорга келинди. Менинг фикримча, конституциямиздан тортиб то маъмурий ҳуқуқбузарлик қонунларитача янгидан ишлаб чиқиш лозим. Бугун қонунни қабул қилиб, орадан ҳеч қанча фурсат ўтмай ўзгартиришлар наф келтирмайди. Бундай иш услуби фуқаролар онгига ёмон таъсир қиладди, уларда лоқайдлик ҳиссини шакллантиради. Ваҳоланки, Англиянинг 1615 йилги Эркинликнинг буюк хартияси, АҚШнинг 1787 йилги конституцияси, Наполеоннинг 1804 йилги фуқаролик мажмуаси ҳанузгача истеъмолдан чиқарилмаган. Шундан келиб чиққанда, Ўзбекистоннинг ҳозир тайёрланаётган тўртинчи конституцияси ҳам пишиқ-пухта, узоқ-узоқ даврларга мулжалланган бўлиши керак. Шундагина бошқа қонунлар ҳам фавқуллодаги ўзгаришларга эҳтиёж сезмайди.

Бугунги кунда эса ҳуқуқий нормалар тақомилга ет-

маган. Шу боис қонунларимиз ўртасида зиддиятлар кўзга ташланади. Мисол учун маъмурий ҳуқуқбузарлик тўғрисидаги мажмуанинг 170-моддаси 2-қисми билан фуқаролик мажмуасининг 259-моддасини келтириш мумкин. Уларнинг бирида фуқаролар ўзлари ишлаб чиқармаган товар ёки бошқа буюмларни шу товарларга қўйилган давлат чакана нархларидан ошиқча сотанлиги учун маъмурий жавобгарлик ҳақида сўз борса, бошқасида фуқароларга ўз мулкларини томонлар келишувига мувофиқ белгилаган нархда сотишга рухсат этилади, дейилган. Баъзан эса ўзига керак бўлмай қолган мулкни бозорга олиб чиқиб сотаётган фуқарони савдогарликда айблаб, жиноят мажмуасининг 175-моддаси билан жавобгарликка тортиш ҳоллари учрайди.

Маъмурий ҳуқуқбузарлик мажмуасининг 169-моддасида колхоз бозорида савдо қондасини бузганлиги учун маъмурий жавобгарлик кўзда тутилган. Ҳозирги бозор иқтисодиётига ўтган даврда бу фуқаролар эркинлигини ва уларнинг ҳуқуқларини чеклаш билан баробардир. ЖМнинг 217, 2171-моддалари ва маъмурий ҳуқуқбузарлик мажмуасининг 1141, 1142, 1143-моддалари ўртасида ҳам ноаниқликлар талайгина. Энди бундай ҳолга чек қўйиш керак.

**А. САТТОРОВ,
Баҳмал тумани ИИБ
бошлиғи.**

Рустам билан Александр қалин дўст. Бир-бирларининг фикрини кўзларига қараб ўқиб олишади. Иккови ҳам оилалари, Александр олий маълумотли. Бухорода туғилиб, шу ерда вояга етганлар. Шаҳарнинг ҳар бир кўчаси уларга таниш.

Бир кун икки дўст немаларга қодирликларини синаб кўришга аҳд қилдилар.

у йиртилган кўйлақларини еча бошлади.

Олишувга биринчи бўлиб кўлида пичоқ билан Рустам ташланди.

— Сен мақтанчоқни ҳозир сўйиб ташлайман, — дея йигитга хезланди.

Шуҳрат орқага тисарилиди. Рустамнинг кўзлари қонга тўлиб тобора яқинлашар, Александр эса киярик

ҚОШ ҚЎЯМАН ДЕБ...

Шомга яқин кўчаларнинг бирида шу ҳақда гурунглашиб туришган эди, кимнингдир қораси кўринди. У яқинлашгани сари йигитларнинг муштлари туғилиб, юзлари тундлаша бошлади. Тенглашдилар.

— Сигаретинг борми?

— Йўқ.

Шу пайт ҳе йўқ, бе йўқ Александр унга мушт туширди. Йўловчи кутилмаган зарбдан йиқилди. Рустам қўлидаги соатни ечиб олишга улгурди. Ўрнидан туриб уларга ташланган йигитчани икки зўравон яна йиқитишди.

— Мард бўлсаларинг, яккама-якка чиқинглар, — деб

қоқмай қонли натижани кутарди.

Рустам қаҳр билан отилди. Шу пайт Шуҳрат унинг пичоқ тугган қўлига бир тенди. Пичоқ бир метрча нарига учиб тушди. У енгил сакраб, пичоқни олдида, зўравонларга қаратди. Икки йигит орқа-олдига қарамай қочиниша тутинди.

Шуҳрат уларни йўлда милиция ходимини учратганча таъқиб этди. Зўравонлар қўлга олинди. Тинтув вақтида Александрнинг уйдан 95 грамм кўкиори топилди.

Қош қўяман деб, кўз чиқариш шу бўлса керак. ҚАМАР.

Қ О Т И Л А И К

Урганч тумани ҳудудидан бир ҳафта ичида иккита мурда топилди. Хабар бир зумда тарқалиб, ҳаммани даҳшатга солиб қўйди.

Туман ИИБ ходимлари қонларни тунларга улаб қотилларни қидирдилар. Сирлар фош этил-

гандан кейингина боғи кўрқинчли, таҳликали миш-мишларга биров чек қўйилгандай бўлди.

Ушбу оғир жиноятларнинг очилиш тафсилотлари билан рўзномамизнинг учинчи саҳифасида танишасиз.

ЧИДАМ БИЛАН КУЗАТИШДИ

Тунги соат 12 лар. Қўқон шаҳар ички ишлар бўлими ходимлари Ҳасан Расулов, Муҳаммаджон Бекмуродовлар Навоий даҳасида айланиб юришганларида, 25-уй рўпарасида уч киши уймалашиб туришгани кўриб қолишди. Сездирмай яқинлашди. Номалум кимсалар кимнингдир енгил машинасини «ечинтириш» билан банд эдилар. Милиционерлар яна уларни кузатишни давом эттирдилар. Чунки чўчитиб юборилса, тун қўйнига сингиб кетишлари мумкин.

Ниҳоят ўғриллар ечиб олинган эҳтиёт қисмларини кўтариб, 27-уй ертўласига кириб кетдилар. Милиционерлар шундан кейингина уларни қўлга олдилар. Машина эҳтиёт қисмлари эгасига қайтарилди.

Мадамин РАЖАБ ўғли.



БЎЯНАДИГАН ЙИГИТЧА

Георгий 1975 йилда туғилган. Қарши шаҳар билим юрларининг бирида таҳсил олади. Балоғат ёшига етмаганига қарамай суднинг қора курсида ўтиришига тўғри келган. Икки йилга шартли кесилган. Аммо қонидан бор эканми, яна эгрликка жазм этди. Уртоқлари билан Сергейни-

кига келиб, у ердан аёлларнинг 100 сўмлик атир-упа йиғмасини ўмарди.

ХОЛИС ХИЗМАТ

Бугун машиналарнинг нархи осмонда. Лекин шунга яраша ёнилғиси, эҳтиёт қисмлари танқис, қиммат бўлмаса-ку.

Рул бошқараётганларнинг эҳтиёт қисмларга бўлган эҳтиёжини қондириш мақсадидан жинорий тил бириктиришган Асқар ва Сулаймонлар туш

вақти йўл чеккасида турган У. Жумаев машинасини қисмларга бўла бошладилар. Эҳтимол уларни яна ўз эгасига сотишни кўзлашгандир? Бироқ «хотис хизмат»га бел боғлаган йигитлар филдиракни ўмарилари биланоқ. Бухоро вилояти ИИБга келтирилдилар.

Сулаймоннинг уч, Асқарнинг бир фарзанди, бирининг қўлида электрпейвандчи, иккинчисининг қурувчи касби бор-у, бўйниларига шайтон миниб олган экан-да.

Турсуноյ МИНАВВАР қиз.

Тошкент шаҳар Октябрь тумани ИИБга қарашли паспорт бўлимасининг катта назоратчиси милиция майори Тўхтамурад Жўрабеков ронпа-роса йигирма етти йилдан бери эл ишига камарбаста бўлиб келаётган. У киши ўз меҳнат фаолияти даврида каттаю кичик ўртасида ҳурмат қозонди, бир қанча шогирдларни тарбиялади.

СУРАТДА: милиция майори Тўхтамурад Жўрабеков ходимлардан Гўзал Яхшибоева ва Муяссар Пулатовалар билан иш пайтида.

Ҳ. ШОДИЕВ олган сурат.

ҚЎЛИДА ПИЧОҚ ЯЛТИРАДИ

— Эй, болакайлар, сигаретдан борми?

— Йўқ.

Нуршод билан Дилмурод болаларга яқинлашди. Нуршод бирини четга тортди.

— Қани, курткангни еч кийиб кўрай.

— Нега кийиб кўраркансан?

— Бўл, гапни кўпайтирма.

— Йўқ.

Нуршод яхши гапга кўнмаётган Сашани уйнинг орқасига судрай бошлади. Дилмурод иккиси болакайни ура кетишди. Сашанинг ўртоғи буни кўрдию уйига югурди.

Нуршоднинг қўлида пичоқ ялтиради. Бироқ ерда қонга беланиб ётган «ўжар»га тиг билан ҳамла қилмоқчи бўлган пайтида Ақмал Икромов тумани ИИБ ходимлари тўхтатиб қолдилар.

М. ИСРОИЛОВА.

Алвидо, Раҳматжон!



ги сўзи, сўнгги армони бўғзида қолди Раҳматжоннинг... Бу мудҳиш хабар унинг барча дўстларини, касбдошларини қаттиқ ларзага келтирди. Имонсиз ёвуз қотилни бутун Қўқон аҳли қарғади.

Раҳматжон Миртожиев 1951 йил Фарғона вилоятининг Ўзбекистон туманида туғилган. 1974 йил Тошкент давлат чет тиллар институтини аъло баҳолар билан тугаллаган зўкко ва серғайрат бу йигитни тақдир 1978 йили Қўқон шаҳар ички ишлар бўлимига етаклаб келди. Уч-тўрт йил мактабда ишлаб тажриба орттирган Раҳматжонни балогатга етмаганлар билан ишлаш бўлимига назир сифатида ишга олишди. У 1991 йилдан бери ҳуқуқбузарликнинг олдини олиш бўлимига бошлиғи ва вазифасида хизмат қилмоқда эди. Минг афсус, совуқ ўлим беш фарзандга меҳрибон ота бўлган оловқалб дўстимизни бевақт орамыздан юлиб кетди.

Биз, Раҳматжоннинг сафдошлари, ўртоқлари чуқур қайғуда қолдик. Начора, тақдир азал шундай экан. Биз марҳум дўстимиз хотирасини мангу дилда сақлаган ҳолда унинг руҳига Аллоҳдан раҳматлар тилаймиз. Оила аъзоларига, қариндош-уруғларига чуқур таъзия билдирамиз.

Охиратнинг обод бўлсин, Раҳматжон!

ҚУҚОН ШАҲАР ИЧКИ ИШЛАР БУЛИМИ ЖАМОАСИ.

(«Поста» рўзномасининг ижодий жамоаси бурчани адо этишда ҳалок бўлган Раҳматжон Миртожиев оиласи аъзоларига ва яқинларига чуқур ҳамдардлик билдиради).

Вазият ғоят қалтис эди. Муқаддам судланган, қирқ икки ёшли Вали Гафуров милтиқ билан қуролланган ҳолда ўз уйига яшириниб олганди. У бундан чорак соат илгари арзимаган жанжал сабаб худди шу милтиқдан ўқ узиб, ҳайдовчи бўлиб ишлайдиган қўшнисни Муҳиддин Камоловни оғир яралаганди. Берилган маълумотлар асосида Қўқон шаҳар ИИБдан тезкор гуруҳ етиб келди. Милиция ходимларининг огоҳлантиришларига, яхши гап-сўзларига зарра қулоқ солмади. «Мени тинч қўймасаларинг, бола-чақаларимни қириб ташлайман», — деб пўписа устига пўписалар қилди ҳатто.

Вазият ғоят қалтис эди. Жиноятчи ҳеч кимга қулоқ солмасди. Ниҳоят уни бир амаллаб қўлга олиш мақсадида ҳовли милиция ходимлари томонидан ўраб олинди. Тезкор гуруҳ раҳбари милиция майори Раҳматжон Миртожиев том орқали жиноятчиға яқинлашмоқчи, уни сўнгги карра инсофга чақирмоқчи бўлди. Аммо ногоҳ узилган ўқдан у оғир яраланиб... Сўнг-



Калинин тумани ИИБ қошидаги қўриқлаш бўлимида ўз касбини ардоқлаган ходимлар кўпчилиги ташкил этади. Уларнинг тиришқоқлиги, ҳушёрлиги оқибатида бўлса керак, қўриқланаётган объектларда 1984 йилдан буён бирон марта ўғирлик содир этилмаган.

СУРАТЛАРДА: (чапдан) навбатчи Мансур Раимжонов, 22 йилдан буён ички ишларда хизмат қилиб келатган, соқчилик пункти бошлиғи милиция капитани Тохир Маҳаммадбеков ва милиция катта сержанти Бекпўлат Жузобоевлар пулт ёнида.

Ҳар қандай чақирмаққа шай турибди бу машиналар.



Боқижон ХОЛМИРЗАЕВ олган суратлар.

Кўнгил ёмонда

Меҳнат қилиб, маош олиб, ойлигини тежаб-тергаб, машинали бўлишни орзу қилаётганларни тушуниш мумкин.

Аммо ҳеч қачонда ишламайдиган, боз устига яшаш жойининг ҳам тайини йўқ дайдининг орзусига ўласизми-куясизми? Одамлар йиллаб мақсадини амалга оширолмаётган ҳуноб бўлишади. Бироқ бизнинг қаҳрамонимиз Евгений Полеткин айтганини дарров қилайдиганлардан экан. Чилонзор даҳасида кетаётган эгасиз турган «ГАЗ-24» автомашинасини кўрди-ю, фурсат етганини фаҳмлади. Шошылмай яқинлашди, унга ўтириб, ҳайдаб кетди. Лутфий кўчасига етганида ёнида тугаб, мотори ўчиб қолди.

Лекин уловға ўрганган одам пиёда юришга, айниқса, югуришга қийналар экан.

Акмал Икромов тумани ИИБ ходимлари Евгенийни дарров қўлга туширдилар. Маълум бўлишича, у аввал ҳам «орзуси» йўлида умрининг уч йилини қурбон қилган экан.

Садафия ЛАЪЛИ.

Совуқлик қилаверганидан сўнг вақтинча ота-онасиникига кўчишга мажбур бўлган Мирсаиднинг уйдан кўнгли тўқ эди. Ижарада турган икки хонали уйнинг бирида лаш-лушлари, иккинчисида пиёзлари тўкилиб ётарди.

Ёзи билан тер тўкиб, ўзи учун орттиргани шу пиёзлар бўлиб, сотсам бирор кемтигимни ямар, деган ўйда юрарди. Бироқ 12 февраль куни уйига келди-ю, рангларни оқариб кетди. Пиёз пўчоқларига хонанинг юзидан сочилиб қолган. Номард бирор донасини ҳам қолдирмай ташиб кетди-я.

Мирсаид қўни-қўшнила-

Аслида ҳаммасига ҳис-туйғулар айбдор эди. Анжела анчадан бери турмуш ўртоғи Тимофейдан гумонсираб юрарди. Бора-бора рашк ўти оловлашиб, кунда, кунора жанжаллашадиган бўлди. Кейин эса Тимофейнинг ҳар бир қадамини тергашга ўтди. Уртадаги ишонч буғдай йўқолиб, орада темир девор юксала бошлади.

Эҳтимол ўша маълум кунда Тимофей уйдан кўчага чиқмаганида, бундай бўлармиди, йўқмиди? Аммо бир томондан ўртоғининг кистови бўлса, иккинчи томондан оз-моз кўнглини ёзиб келиш истаги уни кўчага олантирди. Анжела эса буни ўзича тушунди.

Янги йил байрамини ҳам жазмани билан кутишга қарор қилди-я, деган ўйда ич-тинни еди. Чндай олмади.

КўЗИ ОЧИЛАРМИКАН?

ридан сўраб-суриштирди. Уларнинг гапларига қараганда, бу ижарага берган уй эгасининг фарзанди Баҳодирнинг иши бўлиши керак, Мирсаид гумони Баҳодирда эканлигини айтди. Аммо у онт ичиб, пиёзга қўлини теккизмаганлигини гапирди.

Мирсаиднинг милицияга хабар беришдан бошқа чораси қолмади. Шу пайтгача ҳар ҳолда ўша оиллага ипсиз боғлиқ экан, уларнинг олдида ўтишни, яхшиликча инсофга чақиршни инсоний бурчи, деб билди.

Нарпай тумани ИИБ ходимлари учун ушбу жиноятни очиш қийин бўлмади. Баҳодир 969 килограмм пиёзни таниш сомсапазга 500 сўм эвазига пуллаб юборган экан.

Терговда маълум бўлишича, Баҳодир илгари ҳам уч марта судланган. Бироқ улардан тегишли ҳулоса чиқариш ўрнига яна жиноятга қўл урган.

Тўртинчиси унинг кўзини очармикан ёки бешинчиси учун туртки берармикан-а?!

Нур БАДИА.

РАШК

Эрининг орқасидан Викторнинг уйига борди. Мезбонларнинг мулозаматига қарамай Тимофейға ёпишиб кетди.

— Мени алдай олмайсан. Биладан бу ёрга нима учун келганингни. Ўша шаллақини деб келгансан. Мен сенга кўрсатиб кўяман ҳали.

Уй эгалари уни тинчитишга уринишди. Тушунтиришди. Бир оз ҳовуридан тушган Анжела эри билан уйга жўнади. Сўнгра орадан бир неча соат ўтиб, эру хотин фермага отланишди.

Тимофей ишларини тезда саранжомлаб, яна ўртоғиникига қайтди. У Викторникида ўтирганида фермадаги жан-

жал авжига чиққанди.

Анжела ишга келган Нинага чанг сола кетди. Аввал Нина ҳимояға ўтди. Анжела қўлидаги таёқ билан уни бир неча бор ургач, жон анчиғида рақибининг қўлидаги таёқни тортиб олиб, ўзини ура бошлади. Сўнгра қўл жанги бошланди. Ҳамма ёқни чинқириқ тутди. Аёллар бир-бирларининг сочларидан чангаллаганча ерга йиқилдилар. Ерга ҳам бир оз муштлашиб, ўзаро ҳақоратларга кўмилишгач, сал жанги бўшаштирдилар. Анжела ўрнидан тураркан, Нинага ҳали кўрсатиб қўйишини қайта-қайта тайинлади, уйига жўнади.

«Учинчи» тилни қўллаяпмиз

Самарқанд шаҳар ички ишлар бошқармаси ташкил этилгач, туман ИИБ тергов бўлимлари бирлаштирилиб, бўлим бўлди. Бу ўз навбатида қатор муаммоларни келтириб чиқарди.

Бўлимлар, бўлим бошлиқлари ҳам тергов жараёнида бевосита қатнашадилар. Шу ўринда назорат-методик бўлима терговчиларига эҳтиёж сезилади. Шундай бўлима тузилиб, унга 2 ходим (терговчи) ажратилса, ишимизни бирмунча энгилаштирарди.

Маълумки, шахримизга қўллаб чет эллик сайёҳлар ташириш бўлими бўлади. Тан олиш кераки, улар билан ишловчи етакчи мутахассисларимиз деярли йўқ ҳисобида.

Масалан, сайёҳ утиш олдида пули ёки буюми йўқолганини сезади. Милиция ходими баъзан ариза ёздириб олишга улгурмасдан қақшаган меҳмон кетади-қолади. Жабрланувчидан даъво йўқми, вассалом, иш тўхтатилади. Чунки бизда чет эл билан керак бўлган вақтда бемалол алоқа қилиб сўраб-суриштириш, айрим тушунмовчиликларни аниқлаш имкони йўқ.

Давлатимиз мустақилликка эришганига ҳали кўп бўлгани йўқ. Бироқ давлат тили қабул қилинганга анча бўлди-ку. Ҳуқуқий атамалар, суд, тергов жараёни, суд-тиббий экспертизаси ҳулосаларида чалкашликлар, айрим сўзлар таржима қилинмаганлиги сабабли ҳужжатлар тузишда «учинчи» тилни қўллашга мажбур бўляпмиз.

Воқеа жойига тафсилотларни тиклаш учун терговчи, эксперт, жабрланувчи, икки соқчи кузатувида айбдорни олиб боришга тўғри келса, нима қилишни билмай бошинг қотади. Шу боис, албатта, тергов бўлимига жиҳозланган «РАФ» автомашинаси зарур.

Мустақил Ўзбекистон милицияси ҳақидаги (эҳтимол бошқача номлар) қонунни ҳам янги мазмунда қабул қилсак, ёмон бўлмасди.

М. ЖУРАҚУЛОВ, Самарқанд шаҳар ички ишлар бошқармасининг бошлиқ ўринбосари милиция подполковниги.

Эртаси куни Викторнинг уйдан қайтган Тимофей хотини сирка ичиб қўйиб, касалхонада ётганини билди.

Сур-сур бошланди. Тимофей ҳам, Нина ҳам терговга қақирлиди. Бир неча кун ўтиб Анжела ҳаётдан кўз юмди.

Нина эса ҳиссига олинди. Лекин суд-тиббий экспертизаси Анжеланинг ўлими сирка ичгани туфайли бўлганини аниқлади. Бироқ Нинанинг шу давр ичида бўлари бўлганди.

Анжела-ку ўлди-кетди. Маломатга қолган Тимофей билан Нина бўлди. Аммо уларнинг ҳеч бирини хиёнатда айблаганин ҳам, жазолашнинг ҳам иложи йўқ. Ҳозир бу нарсалар «икир-чикирлар» ҳисобланади. Икир-чикирларга эса «ақлли» одамлар аҳамият бермайдилар.

М. ИБРОҲИМОВА.

